



**ЎЗБЕКИСТОН РЕСПУБЛИКАСИ МАДАНИЯТ ВАЗИРИНИНГ
БУЙРУҒИ**

Тошкент ш.

№ 245

“22” “04” 2019 й.

**Хорижий мамлакатларга хизмат сафарларига
боришни тартибга солиш тўғрисида**

Ўзбекистон Республикаси Президентининг 2017 йил 3 августдаги “Хорижий хизмат сафарларида бўлиш самарадорлиги ва хорижий делегацияларнинг Ўзбекистон Республикасига ташрифларини ташкил этиш учун мансабдор шахсларнинг шахсий масъулиятини янада ошириш чора-тадбирлари тўғрисида”ги ПҚ-3170-сон қарори, 2014 йил 5 мартдаги “Мансабдор шахсларнинг хорижий мамлакатларга чиқиш тартибини такомиллаштириш чоралари тўғрисида”ги ПҚ-2142-сонли қарори, Ўзбекистон Республикаси Вазирлар Маҳкамасининг 1999 йил 9 сентябрдаги “Вазирликлар, идоралар ва бошқа республика органлари ходимларининг чет эл хизмат сафарларига боришини тартибга солиш чора-тадбирлари тўғрисида”ги 417-сон қарorigа мувофиқ, шунингдек, вазирлик тизимидаги барча ташкилот, корхона ва муассасалари раҳбарлари ва ходимларининг юзаки ва мақсадсиз хорижий хизмат сафарларига, асосланмаган чиқиш ҳолларига ва уларга фаолияти сафар вазифаларига мувофиқ бўлмаган раҳбар ва ходимларни юбориш ҳолатларига йўл қўймаслик ҳамда хорижий мамлакатларга хизмат сафарларига боришни тартибга солиш мақсадида

БУЮРАМАН:

1. Белгилансинки, Қорақалпоғистон Республикаси маданият вазирлиги, Тошкент шаҳар маданият бош бошқармаси, вилоятлар маданият бошқармалари ҳамда тизим ташкилот, корхона ва муассасалари (бундан буён вазирликнинг тизим ташкилотлари деб аталади) раҳбарлари ва ходимлари хорижий мамлакатларга хизмат сафарларига чиқиши, уларнинг мақоми ва хизмат сафари мақсадидан қатъий назар вазирлик раҳбарияти билан ёзма шаклда келишиши шарт.

2. Вазирликнинг тизим ташкилотлари раҳбар ва ходимларининг хорижий сафарга чиқиш режа-топшириқларини вазирлик раҳбариятига тасдиқлатиш учун киритиш амалиёти жорий қилинсин.

3. Вазирликнинг тизим ташкилотлари раҳбарлари:

хорижий мамлакатларга хизмат сафарларига боришнинг асосланганлиги ва самарадорлиги, шунингдек, валюта маблағларидан самарали фойдаланилиши учун шахсан жавоб беришлари тўғрисида огоҳлантирилсин;

раҳбарлар ва ходимлар чет эл хизмат сафаридан қайтганларидан кейин мажбурий тартибда уч кун муддатда хизмат сафари ва эришилган натижалар тўғрисидаги ҳисоботлар нусхаларини вазирликнинг Халқаро алоқалар ва инвестицияларни жалб қилиш бошқармасига топширилишини таъминласин;

мазкур буйруқдан келиб чиқиб, ўзларининг идоравий ҳужжатларини қабул қилсин.


4. Мазкур буйруқ талабларига амал қилмаган раҳбар ва ходимларга нисбатан меҳнат қонунчилигида белгиланган тартибда интизомий жазо чоралари кўлланилиши назарда тутилсин.

5. Халқаро алоқалар ва инвестицияларни жалб қилиш бошқармаси (Ш.Ақбаров)га хорижий мамлакатларга хизмат сафарлари бўйича ҳисоботларни таҳлил қилиш, умумлаштириш ҳамда мониторингини юритиш вазифаси юклатилсин.

6. Девонхона (Н.Холбоева) мазкур буйруқ нусхасини вазирликнинг тизим ташкилотларига етказсин.

7. Мазкур буйруқ ижросини назорат қилишни ўз зиммамда қолдираман.

Вазир



Б.Сайфуллаев